

Broj: 101-10534/19 DŽS  
Zenica, 23.07.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-10532-1/19 DžS od 23.07.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

**O D L U K U**  
**o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-10532/19 DžS od 23.07.2019. godine u postupku dodjele okvirnog sporazuma za nabavku jalovine za investicione projekte 2019/2020. i prihvata se preporuka Komisije za nabavke da se okvirni sporazum zaključi sa ponuđačem:

**JATA GROUP d.o.o. Srebrenik**

kao najbolje ocijenjenom ponuđaču, prema ponudi protokolisanom pod brojem: 716-10039/19 od 10.07.2019. godine, za ponuđenu cijenu od 49.989,50 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču JATA GROUP d.o.o. Srebrenik, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-9186/19 BS od 26.06.2019. godine.

Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma. Procijenjena vrijednost javne nabavke bez uračunatog PDV-a je 49.990,00 KM.

Dana 27.06.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-300-3-65/19 objavljena je i tenderska dokumentacija.

Poziv za preuzimanje tenderske dokumentacije broj: 713-9186-2/19 BS od 27.06.2019. godine upućen je sljedećim ponuđačima:

1. Špic beton d.o.o. Zenica
2. Komgrad – Ze d.o.o. Zenica
3. JATA GROUP d.o.o. Srebrenik

Na osnovu Izvještaja o preuzimanju tenderske dokumentacije od strane ponuđača od 18.07.2019. godine u 11:17 sati, utvrđeno je da su sljedeći ponuđači preuzeli tendersku dokumentaciju:

1. BBS Europe
2. E kapija d.o.o.

3. Komgrad – Ze d.o.o. Zenica
4. JATA GROUP d.o.o. Srebrenik
5. ŠPICBETON d.o.o. Zenica
6. PERO d.o.o. Zenica

Rok za dostavljanje ponuda je bio 12.07.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. Špic beton d.o.o. Zenica
2. JATA GROUP d.o.o. Srebrenik

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 23.07.2019. godine direktoru preduzeća dostavila Izvještaj o radu broj: 716-10533/19 DžS od 23.07.2019. godine sa preporukom za izbor najpovoljnijeg ponuđača u postupku za nabavku jalovine za investicione projekte 2019/2020.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nema neblagovremeno zaprimljenih ponuda
- ukupno 6 (šest) ponuđača je preuzelo tendersku dokumentaciju sa portala javnih nabavki.

Dana 12.07.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji. Komisija je izvršila i provjeru računске ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-10532/19 DžS od 23.07.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju, konkurentskog zahtjeva za dostavu ponuda broj: 713-9186-1/19 BS – Nabavka jalovine za investicione projekte 2019/2020, a tokom preliminarog pregleda i ocjene prispjelih ponuda, Komisija je utvrdila, da je u ponudi ponuđača JATA GROUP d.o.o. Srebrenik, cijena za predmetnu nabavku 49.989,50 KM bez obračunatog PDV-a, niža za više od 20 % od cijene drugorangirane prihvatljive ponude, 110.000,00 KM bez obračunatog PDV-a, te je na osnovu navedenog, ispunjen uslov obaveznog traženja pojašnjenja cijena iz prethodno citiranog člana Uputstva za pripremu modela tenderske dokumentacije i ponuda.

Slijedom navedenog, a u skladu sa članom 66. Zakona o javnim nabavkama (“Službeni glasnik BiH”, broj: 39/14), i članom 17. Uputstva za pripremu modela tenderske dokumentacije i ponuda (“Službeni glasnik BiH”, broj: 90/14), ponuđaču JATA GROUP d.o.o. Srebrenik je upućen zahtjev za obrazloženje cijene ponude sa rokom do 22.07.2019. godine.

Dana 17.07.2019. godine u dopisu zaprimljenom kod ugovornog organa pod brojem: 716-10391/19 ponuđač JATA GROUP d.o.o. Srebrenik je dostavio pojašnjenje ponude sa obrazloženjem da je ponuđena najpovoljnija kalkulatívna jedinična cijena uzevši u obzir tehnologiju i proces proizvodnje kamenih materijala i tehnologiju izvođenja radova - transporta kamenog materijala u jednom ciklusu na više lokacija na zahtijevane transportne daljine, a koje je ugovorni organ uvažio.

Ponuđači su dostavili formalno – pravno ispravne i tehnički prihvatljive ponude, te je ugovorni organ shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 22.07.2019. godine, u terminu od 09:00 sati.

Ponude ponuđača, prije početka e-aukcije su:

1. JATA GROUP d.o.o. Srebrenik, sa ukupnom cijenom ponude u iznosu od 49.989,50 KM bez PDV-a
  2. ŠPIC BETON d.o.o. Zenica, sa ukupnom cijenom ponude u iznosu od 110.000,00 KM bez PDV-a
- E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. JATA GROUP d.o.o. Srebrenik, sa ukupnom cijenom ponude u iznosu od 49.989,50 KM bez PDV-a
2. ŠPIC BETON d.o.o. Zenica, sa ukupnom cijenom ponude u iznosu od 110.000,00 KM bez PDV-a

Uzimajući u obzir član 87. stav (2) Zakona o javnim nabavkama prema kojem ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost za nabavku roba manja od iznosa od 50.000,00 KM, te da je i nakon provedene e-aukcije cijene ponude ponuđača ŠPIC BETON d.o.o. Zenica iznad navedenog vrijednosnog razreda kao i procijenjene vrijednosti za predmetnu nabavku, Komisija je ocijenila da navedena ponuda nije prihvatljiva za ugovorni organ član 68., stav (4), tačka (j) ZJN.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. JATA GROUP d.o.o. Srebrenik, sa ukupnom cijenom ponude u iznosu od 49.989,50 KM bez PDV-a, te dala preporuku da se okvirni sporazum zaključi sa najuspješnijim ponuđačem JATA GROUP d.o.o. Srebrenik, na period od 12 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.


Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

  
Pašalić Emir, dipl.ing.građ.

#### **DOSTAVLJENO:**

- 1 x Ponuđačima
- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir. za razvoj i investicije
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a